

MUKILIEDER und Versli

1. Mukibärli lüpf di Fuess, wenn i mit dir tanzä muess. Einisch hi, einisch her, ringsetum das isch nid schwär, einisch hin, einisch her, rinsetum, das isch nid schwär.
2. Mit dä Händli klatsch, klatsch, klatsch
mit dä Füessli patsch, patsch, patsch,
einisch hin, einisch her
3. Mit am Köpfli nick, nick,nick
mit dä Fingerli tick, tick, tick
einisch hin, einisch her...

Dumä, Dumä wo bisch du? Hie bin i, hie bin i! Guete Tag, guete Tag, guete Tag.
Finger, Finger, wo sind ihr? Hie si mir, hie si mir! Adie alli mitenand.

***Ritä, ritä, rari, lauf i nid so fahri, ritä isch ä grossi Kunscht,
s'isch scho mängä abeplumst !***



Im Zoo hets luschtig Tierli
det und da, sie gumpä und sie
tanzä und tüend sich fallä la.



Das isch dä Rittersmaa,
dä gschirrt sis`Rössli aa,
dä git ihm z`ässä,
dä git ihm z`trinkä.
und dä tuet luschtig adie winke.

I eusem Hüüsli,hets schrecklich viel Müüsli,
diä chribbele u. chräbele, u zibele u. zäbele.
Si gö uf ä Tisch, uf ä Stuel, uf ä Bank, i Schrank.
U wer mer sie wei vo, de springä alli devo.

Chumm mir wie go wandere,
Vo einer Stadt zur andere,
Und wenn de Keiser König chunnt ,
De chere mer wieder um,ri-ra-rum!

T U U B E H U U S

Melodie: „Die Vögel wollten Hochzeit halten“

^^ ^^ ^^ ^^ ^^ ^^ ^^

Mir öffne jetz das Tuubähus und alli Tübeli flüge us, sie flüge über Feld und Wald, grad wiene
das so g'fallt. Chömesi de zur süesser Rueh, mach emer s'Hüüsli wieder zue,
ruguguu, ruguguu, ruguguguu..

*Tschu, tschu, tschu ä Isebahn chunnt, Chinde gönd uf Zyte,
wär im Sack es Billett hät, dä cha mit cho go ritä.*

E chlinä Rägawurm, dä graget uf dä Chiläturm, er luegt nach Südä, Oschtä, Nordä, Weschtä,
u seit - doo undä gfallt' s mer doch am beschtä !

Mukiboogie

*Mir hei dä Arm i Kreis u wieder drus, dri, drus, dri, drus, schüttle no e chlei,
das isch dä Mukiboogie, schubidua, inä, usä, tscha, tscha, tscha.*

S`Füessli riebe, s`Füessli riebe & di zu Lache triebe,

**Vo Kopf bis Fuess
Massageversli**

S`Wädli chlopfe, s`Wädli chlopfe & s`Hemml i d`Hose stopfe.

Dr Schänkel chnäte, dr Schänkel chnäte & eis ufs Fudi jäte.

Dä Rügä massierä, dr Rügge massierä & Wirbelsüli ufe marschiere.

D`Arme drücke, d`Arme drücke & en Kuss uf d`Backe drücke.

Dr Hals betupfe, dr Hals betupfe & a dä Oerli zupfä

Mit beidne Händ vo obe nach abe kreise & zum Schluss no chlei schmeichle!